

[www.BibleForChildren.org](http://www.BibleForChildren.org)

# ማጥቀስ 26



አይሁድኒ ፋስካኒ  
ሄቦስ ዛግቶናክ እሱን  
ዎና ፋእቴፋና ካባሲክ  
የሱስ ክቱን ካብግና አላዛር  
ፌፌና ብታኒያ ሀሚ። ኤስ  
ካባሲክ ማራሚ አካማ ችማ ዋጋክ  
ዋግቴ ካይማ ናርዶሲክ ዎሱስቴ  
እሳ ቢልቃድ ቱማ ሸቶ ኤጳ  
የሱስኒ ዎቾስታ ዉካት  
ሶምባሲክ ደይ ዎቾባሶን  
ኩእ። ኬያስ ደይ ናርዶስኒ  
ሸቶሲ ሳዋክ ቱሚ።



አሲሬ ሄፔ ናዎሳስን እሳ አስቆሮትኪ ዩዳ የሱስኒን አትሬ እማክ ማግኒ  
ጋኝኛ ሜያክ ሀሚ። ባሶ ደይ ኤስ ባሮን አደሴቴይሴ ግርሴቴ። ዋጋ ደይ  
እሞነክ አብድ እሜቴ። ኤስ ባሪ ቦርካ  
ዩዳ ደይ የሱስኒን አትሬ እማና ኡግና  
ሾሌት ፊር።



ናዎባሳክቶ ደይ የሱስ አጃጀናስማቶ ዛግሴቴ።  
ፋስካኒ ሄቦሲ ሜታኡኖን ደይ ሆስሴቴ። ሜሴፊን  
የሱስ ቱሻሶን ኤጴ ጋላቴፋት ባትቴ ናዎባሳክቶኒክ፡-  
«ኤሴዋ፣ ሙትዋ፣ ሀኒስ አሽናስዋ» ይ። ቶፎሶን  
ደይ ኤጴ ጋላቴፋት፡- «ዙታምኒትሴ ሀን ቶፎሶን  
ኡሽትዋ። ሀኒስ ሾዎ አሱኒ ሜኒ ቦርኣስ ፊሹን  
ኡሰቶናክ ዉክቶኒ ጋድዶ ቴያሲ ሀሪንናስዋ።»




ቱሰሬ ደይ የሱስ ኤካ ይ፡- «ስሞኖ! ስሞኖ! ሴጣና ንቶትን ዛጎ ሰአነ ሰአናክ ማምሲዋ። ስኑንታኖ አማንቶኔስ ትሹኖይናማቶ ኔክዋ እያት ሀአ ሺጴን። ነ ታክ ዎልፋ ታ ካባሲክ አይኔሳክቶኒ ቸኑዋ።» ስሞን ዎልግሬ፡- «ዳሚሶ፣ ታ ታቶኒ ኬር ግሩክ፣ ከቱክ ነኔን አነ ሆሬራቱ ፋዉሻዋ» ይ። ስኑንታኖ የሱስ፡- «ጴጥሮስ ሀሽ ሀውኛ አኮ አሩኖይሬን ኬዛ ዎላ ታን ሞርሞታዋ» ይ።




ኤስታን የሱስ ናዎባሳክቶኒን  
ጌቴሴማኒ ይስቴፋ ድማስታ  
ሀምሚ። ኤስታክ ናዎባሳክቶኒን፡-  
«ታ ኤክ ሀማ ሺጶናር ስንና ቦርአ  
ንቶ ሀንታ ፎትዋ» ይ። ኤካ ደይ  
ይ፡- «አባ አባታሶ! ዙቴራ ኔክ  
ቸምቴርዋ። ሀን ኤጲቶናክ ፋ ሻናሶን  
ታይስታን ዎክሱ። ስኑንታኖ ታ  
ሾሌና ባር ስኖይናማቶ ነ ሾሌታ ባር  
ስኑን» ይ።




ኤስ ባሪ ቦርአ ዩዳ ሾዎ ሜያ ታርአኒ ሜኒ ዙቶኔን አነ ደይ ማግኒ ጋኝኛ  
ሜያኪንናዎ ፊርሳዊኒ ሜያኪንና ዎስቴሬ ዩሴ አድፌ ባሶ አእሰኝኛኒ  
ሜያኖንና ዞንሰሬ ኤስታ ሀሚ። ባሶ ደይ ፋኖሲ።  
ቶንነዎ ኔቦኒ ሜነ ኤጳት ፊሴቴር። ባሶስኒ እሳይስ ማግኒ  
ጋኝኛ ሜኒ ጋኝን ዎስትኛአሳ ሆእታ አዶኖን  
ካጨ። ስኑንታኖ የሱስ፡- «ቤይዎ!  
ሄፕሳ ኤፋቴና ዉዛ ዛጉታታዎ» እያት  
አሱሳ አዶኖን ታእሬ ፋቲ።



ኤስታን የሱስንን ኤጳ አሱኒ ሜያ ማግኒ ጋኝኛ ሜኒ ጋኛአሳ አጅን ኬርካሎ  
ታሜቴ። ጴጥሮስ ደይ ዎክሶክ ባርኔን አነ ሀሚድፊር። አሱኒ ሜያ ማግኒ አጅን  
ኬርካሎ ጌያ ሶኬሬ እሳሪክ ዲፋት ቤስሴድፊር። ጴጥሮስ ደይ ባሶ  
ጋነያስ ጌኒ ቤሱክ ድ።




ጴጥሮስ አዶባሶን ካጨና ባሳ  
ኮን ስና ማግኒ ጋኝኛ ሜኒ  
ጋኝኛአሳ ዎስትኛአሳስን  
እሳይስ:- «አታክልትኒ ድማሲ  
የሱስኔን አነ ፊን አነ ብዩቶሶ?»  
ይ። ጴጥሮስ ደይ ሄፕሳ ዎል ሌ  
ጦርሜ፤ ኤስ ካባሲክ ጌሬጌሬ አኮ  
አሪ። ኤክ ጌራካሎ ኬሴ አካማኖን  
ሱሜሬ ዋሲ።



ኤስታ ፊ ኣሱኒ ሜያ ዙቴሴሬ ካብ የሱስኒን ኤጲሬ  
ፕላቶስኒክ ታሜቴ። ፕላቶስ፡- «ነ ኣይሁድኒ  
ታቶኖሶ?» ይሬ ማምሲ። የሱስ ደይ፡- «ነ  
ይታስማቶዋ» ይሬ ዎልጊ። ፕላቶስ የሱስኒን ኮታናክ  
ሾሌፋት ሄፕሳ ዳራስን ማምሲ። ስኑንታኖ ዳራስ፡-  
«ሱትዋ! ሱትዋ!» ይት ቻጌቴ።




ኤስ ካባሲክ ፕላቶን የሱሰኒን ሱቶናክ አትሬ  
እሚ። ባሶ ደይ የሱሰኒን ኤጴ ሀሜቴ። የሱሰ  
ሜስቀሊሶን ዎርኤ፡- «ቴትኒ ሜጋ» ይስቴፋ  
ድማስታ ኬሲ። ኤስ ድማስ እብራዊኒ ሜኒ  
ኖኖክ፡- «ጎልጎታቱ» ይስቴፋ።



ኤስታ ታምሜ ሱቴቴ። ባርኔን አነ ኦም ሄፕ አሱኒን፤  
እሳይሰን አልዳሰታ፤ እሳይሰን ደይ ሆእታሰታ፤ የሱሰንን  
ጋነያሲ ዛግሬ ሱቴቴ።



አዋስ ታልሜ፤ ቤቴሜቅደሲሲ ይኑ ሄፕክ ካራቴ። የሱስ አካማ ቴጋ ካማክ  
ቻጌ፡- «አባታሶ! ካናሶን ነ ኩሹስ አዳራክ እምሻዋ» ይ። ኤስ ካባሲክ ጌሬጌሬ  
ካባስ ኬስ።



ጌሮክ ዋልፋና ካባሲክ አሪማትያሲክ የሴፍ  
ይስቴ አሱ የ። የሴፍ ሾንጎ ኬይሴፌ  
ባሶስኒ እሳይስ ደይ ኡልፍንቶ አሱ።  
ባር ደይ ሀኦሲ ታቶኖን አብድክ  
አደት ፊር። ዎናስ ቤይሳኒ  
ዎናስታን ዜምማ ፋ ሆሱኒ  
ዎና ስንና ቦርአ ድጎኖይ  
ፕላቶስኒክ ግሪሬ የሱስኒ  
ዱግኖሶን እማናክ

ማምሲ።

የሴፍ ደይ ክኖን ማማ ዋጌሬ  
ሜስቀልስታን ዱግኖሶን ኬስሬ  
ኪምሜ ካቴራ ሆሬ ሹን ሞግሲ  
ካባሬ። ኤስታን እኛ ሹአ  
ቡካልሰሬ ሞጋስ ኖኖኖን ኡክ።



ዎኖትሪክ ቤይሳኒ ዎናሲ ሆሮኔን ኦርፎ ማግኒ ጋኝኛ

ሜናዎ ፊርሳዊኒ ሜና እሳሪክ

ፕላቶስኒሲ ሀሜሬ ኤካ ይሴቴ:-

«ዳሚሶ! ሀን ኤሽኝኛስ ዜሞ

ካክ ፊና ካባሲክ:- <ኬዝሰናሪ

ዎኖ ክቱን ካቡናርዎ> ይና

ባር ንብኒሰታ ኬጅዎ። ባሶ

ደይ ሀሜሬ ሞጋሲ

ኖኖኖን ሹኦክ ኩልፋት

ቱክባሲታ

ማታማክ


እቼ ኦድኒ

ኦሱኒን ኦድሰሴቴ።»



ቤይሳኒ ዎናስ አትናኔን ኦርፎ ቶርባኒስ ቴሱኒ  
ዎኖ ዎንሳ ሸኡ ፊቴትፋና ካባሲክ  
ሜግደላውዊትኪ ማራሚኒዋ አማ  
ማራሚኒ ዋጋሶን ብያክ ሀሜቴ።  
ዳሚሳ ዎስያ ደን ሳማን ኬሬና  
ቦርአ አካማ ዳኒ ሸርኮ ስኒ።  
ባር ደይ ታእሴራ ዋጋሲ  
ኡክቴራ ኩንና ሹአሶን  
ቡካልሳት ባርስታ ድ።

ታሶኒ ሜያ ደይ  
ዳሚሳ ዎሲያኖን ድጋክ  
ኮርኪት ክቱነ ፊር  
ስንነቴ።



ስኑንታኖ ዳሚሳ ዎስያ ማሸካ ሜያክ፡- «ንቶ  
ድጎትታዌ፥ ሱቴ የሱሰኒን ሾሌፌትማቶ  
አሪቫዌ። ባር ሀንታክ አፌ።  
ማኬናሲማቶ ክቱን ካቢዌ።  
ኩንና ድማሶን ሀእኒ  
ያሴፋት ብዮትዌ።»



ኤሰታን ድጋክናዎ አካማ ግራክና ታፕቴሴሬ ሞጋሲ ቴሻን  
ናዎኒ ሜያክ ማኮክ ኤለሴቴ። የሱሰ  
ኡፕንታክ ባሶክ ኡጳሬ፡- «ናጋ ንቶክ  
ስንፋውሻዌ» ይ። ባሶ ደይ ባርኪ  
ታኢሴሴሬ ዎቶባሶን ኤጴ ሳጋደሰቴ።



ኤሴን ኦርፎ ደይ አሲሬ እሴስ ሙ ሜሴሬን የሱስ ባሶክ  
ቤስቴሬ:- «የሱስ ክቱኒ ካብሬ ካክ ፊ፤ እንኖ ደይ አፍኒሲክ  
ቢን» ይሴሬ ማክሴ ባሶትን አማኖ ቤዮቤሲሲክናዋ ንብቤሲስ  
ቸማክና ባሶትን ኬእ። ዳም የሱስ ኤስ ባሮን ናዎኒ ሜያክ  
ማኬናኔን ኦርፎ ደን ሳማ ሀሚ። ሀአሲ ሆእታ ቴሸታ ድ።



ባሪክ አማካኪ። ባር ዙታምባሴ ኮእባ ፎንቶ ካ  
ዳናናክታኖ ትሹኖይናማቶ ሀኦስ እሳ ናዉባ ባር  
ባሪን አትራ እማ ሀን ዳሶን ባክ ኬሽቴዎ።



ሮሜ 3:23 አሱኒ ሜያ ዙቴሬ ቦርአ ዎስቴሴቴ፤ ሀኦሲ ኡልፍና ደይ ባሶስታን ዮእ።

ሮሜ 6:23 ቦርአሲ ዎስቶስን ቤስቶኒ ዋጋስ ክቱዋ። ስኑንታኖ ሀኦስኪን እምቶኒ እማስ ዳምኒ ክርስቶስ የሱስኒኪ ካሞ ኮእባ ፎንቶ ካስዋ።

እብራዊ 9:27 አሱኒክ እሳርጋ ክቱስ እምቴራ ፋር፤ ክቱኔን ኦርፎ ደይ ማሻሻሉ ባሳስታ ካቶናክ ታእኒር።

ኤፌሶን 2:8,9 ንቶ ፋሪሴቲስ አማንቶሲኪ ካሞ ሀኦሲ አትማክዋ፣ ኤስ ባር ደይ ሀኦኒ እማታኖ ንቶ ዎስቶሲክ ቤስቴርታዋ። ኦኑ ቴቶኖይናማቶ ፋሩኒ አትማስ ቤስቴናስ ዎስቶሲክታዋ።



ሮሜ 10:9,10 የሱስ ዳም ስንባሶን ኖኖኔሲክ ዛላ ማኬፋታነናዎ ሀኦስ ባሪን ክቱን ካብግናማቶ ንብኔሲ አማነፋታነና ፋሩታዎ። አሱ ንብባሲ አማነሬ አኮ ስናና፤ ኖኖባሲክ ደይ ዛላ ማኬሬ ፋሩናዎ።

ዮሀኒስ 3:16,17 ባሪክ አማነሬ ባር ዙታምባሴ ኮእባ ፎንቶ ካ ዳናናክታኖ ትሹኖይናማቶ ሀኦስ እሳ ናዉባ ባር ባሪን አትራ እማ ሀን ዳሶን ባክ ኬሸቴዎ። ሀኦ እሳ ናባሰን ሀን ዳስታክ ዎስናስ ዳስታክ ማሻሱኒ ካርአክ ስኖይናማቶ ሀን ዳሶን ባርኪ ካሞ ፋአክዎ።

1 ዮሀኒስ 5:11-13 ኤስ ዛላስ ሀኦስ ኮእባ ፎንቶ ካ እንኖክ እምናማቶናዎ ኤስ ካስ ደይ ናዉባሳሲ ፋናማቶናቱ ማኬፋዎ። ሀኦኒ ና ባሳሲ ፊና ባር ካባ ፋርዎ። ስኑንታኖ ሀኦኒ ና ባሳሲ ፎንቶስ ካባ አፋዎ። ሀኦሲ ናኒ ሱናክ አማነሬ ንቶ ዙታምንትሴ ኮእባ ፎንቶ ካኒት ፋር ስንናማቶ አርሶትክቱ ሀን ባሮን ዙትራ ንቶክ ትቸፋዉሻዎ።



ማትዎስ 26-28; ሉቃስ 22-24; ዮሀንስ 13-21

Storyline by: Edward D. Hughes

Illustrated by: Janie Forest  
and Alastair Paterson

Adapted by: Lyn Doerksen

Yemsa Ethiopic NT (jnj) The word for the world Ethiopia

<https://www.bible.com/bible/4131/MAT.1.YEMNTETH>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

